

**Regional News Unit AIR Aizawl
Saturday, August 17, 2024**

Time - 7:30 -7:40Hrs

REGIONAL NEWS BULLETIN

HEADLINES (MORNING)

- Rampum huap doctor te nawrhna Mizorama doctor ten an zawm ve avangin tukin atangin Mizoram a Hospital sorkar, private leh Mission Hospital zawng zawngah Emergency services chauh hawn a ni ang.
- Mizoram hmun hrang hranga Sawhthing tam enkawl tura beihpui thlakna Operation Ginger - Fehchhuah runpui chu nimin atang khan tan a ni.
- Election Commission of India chuan September ni 18 atanga October ni 1 chhungin Haryana leh Jammu and Kashmir Assembly inthlan a buatsaih dawn.
- Bangladesh sawrkar lailawka Chief Adviser Muhammad Yunus chuan Prime Minister Narendra Modi-a biain Hindu leh sakhaw tenaute venhim an nih tur thu a hrilh.

<><><>

IMA

Indian Medical Association, Mizoram State Branch chuan Kolkata R.G.Kar Medical College & Hospitala Post Graduate zirlai hmeichhia rawng taka pawngsual leh thah a nih duh loh lantir nana, tukin dar 6 atanga ni 18 zing dar 6 chhung rampum huapin medical service zawng zawng emergency tiam loha nawrh an huaihawt tur chu an thlawp dawn tih a sawi a,

Hemi hun chhung hian Mizoram a Hospital sorkar, private leh Mission Hospital zawng zawngah Emergency services chauh hawn a ni dawn a, OPD ah Doctor tumah an thut dawnloh thu thuchhuah ah hian an tarlang.

<><><>

HOME MINISTER

Home Minister Pu K.Sapdangan Lawngtlai a hmun thenkhat a flawh hnu ah nimin khan Third India Reserve Battallon hmunpui Thingkah a mi a flawh a.

UD & PA Minister hian Lawngtlai Electric Veng a lei tlakhniam thinna lai a flawh a, khawtlang hruaitute leh Official ten helai bawra harsatna thlenthin dan te Minister hi hrilhfiain, Minister chuan a theih anga lo enzui a tum thu a sawi.

Kaladan Multi Modal Transit Transport Project kawngpui pawh flawhin, National Highway 54 laihna leivung vanga KMMTTP kawngin a tawrh nasat dan PWD hotuten an hrilh a, Chanchinbumite zawhna chhangin Pu K.Sapdanga chuan kawng pakhat laih avanga kawng dangin a chhiatphah chuan kawng sialtu hnunungzaw, NHIDCL ten dan zawm famkimloh an nei a nih a rinawm tih sawiin, KMMTTP kawngpui chunglam a National Highway zauhna thawktu NHIDCL hotute chu thilawmdan lo sawipui a tum thu a sawi.

Thingkah a Third India Reserve Battalion hmunpui ah hian Home Minister hioan thusawiin Police tan inzirna leh inchherchhuahna tan a tha a tih thu sawiin, Battalion a awmte chuan Thingkah a an awm chu hnual phah nana hmang lovin, midang tan awmve chakna tura an hmunpui chu siamturin a chah a ni

Home Minister chuan 3rd IR Battalion ah mi 408 an awm tih sawiin Post ruak 510 lai a awm chu veitham a tling tih a sawi a, a awmsa zingah mi 104 lai mai hmundanga dah an ni chu a hriatthiamloh thu a sawi a, Sorkar chuan Police hnaruak 300 hnawhkhaturin ruahmanna thuitak a kalpui mek a ti.

Home Minister chuan Third India Reserve Battalion ten an mamawh hrang hrang an thlente chu a theih anga lo ngaihtuah a tum thu a sawi baw.

<><><>

HORTICULTURE

Mizoram hmun hrang hranga Sawhthing tam enkawl tura beihpui thlakna Operation Ginger - Fehchhuah runpui chu nimin atang khan tan a ni a, Aizawla Horticulture Office kawt atangin Horticulture Minister Prof. Lalnilawman a vailiam.

Pu Lalnilawma chuan Sawhthing tam report an dawn te chu an theih ang angin an bawhzui tih a sawi a, inzirtirna te pawh pek tawh ni mah se tunah chuan nasa leh zual zawka tih a ni dawn ta nia sawiin, sorkarin thlai a thlan chhuah bik - Sawhthing, Aieng leh Hmarcha te chu Horticulture Department lam chan a nih avangin an mawhphurhna pawh an nei sang tih a sawi baw.

Minister chuan kum dang zawng aiin kumin hian Mizoramah Sawhthing ching an tam tih sawiin, kuminah hian Mizoram hian Sawhthing hi quintal nuai 10 chuang thar chhuah theih an beisei a ti a, hetihlai hian a thar chhuah hmain enkawl a ngai tih sawiin, kuthnathawk tute tan Department leh Sorkar thuneitute chu engtik lai pawha biak leh koh theih an ni tih a sawi baw a ni.

District pali - Aizawl, Serchhip, Hnahthial leh Saituala feh chhuak turte tukin khan Aizawl atangin an chhuak a, hetih rual hian District dangah pawh feh chhuah runpui hi mahni district theuhah an lo tan ve baw a ni.

Horticulture Department hotute sawi danin Mizorama khaw 263 ah sawhthing a tam a, sawhthing chhingu chhungkaw 6586 te sawhthing a tam tawh a ni.

<><><>

SIAHA CHAMBER OF COMMERCE

Siaha District Chamber of Commerce chuan Trade License Fee Mara Autonomous Dist Council in a siamthar chu a sang lutuk a, an duhlo tih a sawi a ni.

Nimin khan Siaha Press Club ah, Siaha District Chamber Of Commerce President Pu Lalchhuanawma hova neih a ni a, Siaha District Sumdawng inzawmkhawm Pawl chuan Trade license Fee tihsan chungchang ah vawi tam MADC lam an dawr tawh a, a sawt loh avanga hetiang thil hi ti an nih thu an sawi a, District dang ten kum 10 chuang revised lova an hman laia Siaha District in kum 5 dana a rate an revised chu hunlo in reilo an ti hle baw tih an sawi ani.

Siaha District Trade license fee hi District dangte ngaituah in rate a sang fal an ti hle a, chutihlai in Trade License Revise hi an duh lo ngawr ngawr ni lovin, rate hlui atanga thlir let a, zaa 30 thlenga tihpun chu an lo rel lawk ve laiin zaa zaa chuang lai a tihsan ani chu an duh lo hle ani.

Trade License renewal fee tihsan hian sumdawngte chauh a nghawng lova, dawr bungraw man thlenga a san phah dawn avang leh a tuartu tur Mararam mipuite tho an nih avangin mi harsa leh rethei zawk te ngaituah chungahma la an ni tih an sawi bawk. Sumdawng inzawmkhawm pawl chuan Ram hmasawna atan Sumdawng ten Mawhphurhna lian tak an nei ve a hria in, chutiang kawnga hmasawn tur chuan kawng engkima thawhho hi an duh ber ani ti an sawi.



LEGAL AWARENESS@ SAITUAL

Mizoram State Legal Services Authority & All NGO Coordination Committee, Saitual huaihawtin nimin khan Keifang Venghlun YMA Zawlbuk - ah Sawrkar laipuiin India rama dan thar New Criminal Laws hman tur a duan chungchangah zirtirna an buatsaih.

Pu Laldinpuia Tlau Jt.Registrar, Guwahati High Court, Aizawl Branch chuan thu sawiin, "Mi tumah, dan chungah leng an awm loh thu sawiin dan bawhchhia chu hrem theih vek an ni a ti a. Dan hriatloh chu chhuanlam a tlin loh thu sawiin mipuiten dan awmsa an zawn theih nan dan hriat kawngah hmasawn a tul a ni ati.

He hunah hian July ni 1 atanga hman ñan, India ram puma Criminal law thar pathum zirho a ni.



SENA MEDAL

India sipai huaisen chawimawina tangkapui, Sena Medal chu Maj Laldingngheta hlan a ni.

Aizawl Bungkawn Vengthar mi Maj Laldingngehta leh a kaihhruai Combat Action Team te hian nikum Oct ni 21 tlai lam dar 3 velah Intelligence report an dawn chu bawhzuiin Line of Control rawn kan mek terrorist 4 an hmu a. Terrorist rawn kal na tur ah ruang chaicheh thlak turin Ambush an lo siam a. Inkap in He inkahna ah hian Maj Laldingngheta hian terrorist pahnih a kaphlum a, a hliam te a nat tham deuh avangin rang takin a dam that thleng enkawl a ni.

He operation a huaisen tak leh a team te himna tur a ngaihtuah avang te, Pakistan atanga terrorist rawn lut tur alo dan avang te leh terrorist pahnih lai a kahhlum avangin India sawrkar chuan India sipai huaisen chawimawina tangkapui, Sena Medal (Gallantry) hi India Independence Day vawi 78 na ah a hlan ta ani.



ELECTION COMMISSION ON ASSEMBLY POLL

Election Commission of India chuan September ni 18 atanga October ni 1 chhungin Haryana leh Jammu and Kashmir Assembly inthlan a buatsaih dawn.

Jammu and Kashmir ah hian inthlan hi thawh thuma neih tur a ni a, Haryana ah hian thawh khata neih a ni thung ang. Inthlan-a vote tla te hi October ni 4 ah chhiar a ni ang.

Nimin tlai khan Chief Election Commissioner Rajiv Kumar chuan New Delhi-ah inthlan hun tur hi a puang a. Jammu & Kashmir ah hian inthlan thawh khatna hi thlaleh ni 18 ah neih a ni ang a, thawhnhniha ni 25 leh thawhthumna leh a tawp ber hi October ni 1 ah neih a ni ang. J&K Assembly ah hian vote nei nuai 87 chuang an awm a. Polling station 11800 siam an ni a. Pu Kumara chuan Jammu and Kashmir ah hian Lok Sabha inthlan zawh hnuah mipui rorelna democracy a nghet chho telh telh a ni a ti.

Election Commission hian tunhnaiah Haryana leh Jammu & Kashmir te tlawhin inthlan atana an inpuahchahna an enho a. Supreme Court chuan September thla chhung ngeiin Jammu & Kashmir-ah inthlan hi buatsaih turin thu a lo pe tawh a. Haryana ah hian Assembly member 90 awmin November ni 3 ah an term a tawp dawn a ni.

Kuminah vek hian Maharashtra leh Jharkhand-ah te Assembly inthlan a awm dawn bawk a. Maharashtra ah hian sawrkar lai term hi November ni 26 ah a tawp dawn a. Jharkhand hi nakum January ni 5 ah a tawp ang.



BANGLADESH

Bangladesh sawrkar lailawka Chief Adviser Muhammad Yunus chuan Prime Minister Narendra Modi-a biain Hindu leh sakhaw tenaute venhim an nih tur thu a hrilh.

Prime Minister Modia nen hian Telephone-a inbiakin Bangladesh-a thil thleng mek chungchang an sawidun a. Pu Modia chuan mipui rorelna nghet leh tha a awm theih nan leh remna leh muanna a awm theih nan India chuan Bangladesh a thlawp zel dawn a ni a ti.

Bangladesh mipuite hmasawna turin kawng hrang hranga India-in a puih thin thu a sawi a. Hindu leh sakhaw tenau zawkte venhimna leh thlamuang taka an awm ve theihna chu a pawimawh hle a ni a ti bawk.



THAILAND

Thailand Parliament chuan Prime Minister thar atan Paetongtam Shinawatra an thlang. Thailand hruaitu hlui Thaksin Shinawatra fanu Paetongtam Shinawatra hi kum 37 a upa niin an party Pheu Thai party ah mithar a ni a. Thailand Prime Minister naupang ber a ni dawn bawk a ni.

Thailand Prime Minister Srettha Thavisin ban anih hnu lawkah Paetongtam hi PM thar atan rawt a ni a. Srettha Thavisin hi Constitutional Court chuan thamna lak tuma puhnaah dan phal loha a chet avangin thiamloh a cham tir a. Karhmasa khan he court vek hian nikum inthlanpuia thlan tlin sawrkar lai Move Forward Party chu thiat zui nghal a ni.

